

Ambrosia – ina planta «maligna»

Il Grischun vul cumbatter la planta ambrosia avant ch'i è memia tard

■ (anr/grc) La planta ambrosia, atgnamain importada da l'America dal nord, è ina planta nuschaivla per ils allergichers, dentant er il chantun Grischun ha declerà il cumbat cunter questa planta che tutga tar las flurs compositas sco er per exempel la chaminella e las margarittas.

En il Grischun èn vegnidas scoladas radund 50 persunas a las qualas ins po sa drizzar e che enconuschen quella planta nunproblematica fitg bain. *Andreas Vetsch*, dal Center da formaziun e cussegliaziun agricula (LBBZ Plantahof), il medi chantunal *Martin Mani* ed il represchentant da l'Uffizi chantunal per la natira e l'ambient *Marco Lanfranchi* han declerà il venderdi passà ils problems davart questa planta.

60 000 sems che sa derasan d'ina planta

Dentant che il medi chantunal *Martin Mani* ha declerà en moda e maniera plausibla che ina persuna allergica sin strucca da fain davart differentas ervas haja per exempel symptoms cur che 50 pollens sa chattan en in meter cubic aria, tanschan sis enfin 11 pollens per meter cubic da la planta ambrosia per chaschunar asma ed autras allergias tar persunas sensibilas.

Pavel d'utschels e las deponias sco derasader

Ins ha pudì constatar che questa

planta d'in onn vegn derasada surtut causa che persunas pavlan utschels. Quest pavel derivia surtut da l'Europa da l'ost e saja «tschufagnà» cun sems da la planta ambrosia. In auter effect da derasar questa planta sajan tranter auter er pavel d'animals pitschens sco per exempel per portgs da mar etc. sco er transports da humus sin deponias.

Cumbat naziunal cunter l'ambrosia

Na betg mo en il Grischun, mo bain en l'entira Svizra vegn cumbattì encunter questa planta. I vegn recumandà, sche ins



Tagetes (san.), ambrosia (a mez) ed artemisia (dretg) nun dastgain nus scumbigliar.

chatta uschè ina tala planta, da stgarpar or quella e dismetter ella cun il rument da chasa. Per tge ils sems survivian enfin 40 onns, è vegnì fatg a savair il venderdi passa al LBBZ Plantahof a Landquart.

L'ambrosia, atgnamain in zarclim nungiavischà vegn er cumbattì sin basa naziunala. Il glindesdi proxim ha lieu in «di da sdrappar or a maun ambrosias» ed ultra da quai vala quella planta a partir da l'onni passà sco obligaziun d'annunzia e da cumbatter quella, e quai succeda sur las vischnancas.

Simptoms per allergichers

Il chantun recumonda da sdrappar la planta ambrosia or terra be cun guants e dismetter quella en il rument da chasa. Il cumpost na saja betg in lieu adattà per dismetter questa planta perquai che ils sems survivian durant decennis. In ulteriur problem da la planta ambrosia saja quel che quella planta flureschia da la fin d'avrigl enfin l'october, tut tenor l'atezza sur mar. Perquai saja quella planta surtut derasada en Svizra en il chantun Tessin ed a Genevra, ha *Andreas Vetsch* fatg a savair.

Ulteriuras infurmaziuns davart la planta ambrosia chattais vos sut www.acw.admin.ch e la glista da las persunas che enconuschan quella planta sut www.plantahof.ch



Marco Lanfranchi, Andreas Vetsch e Martin Mani (da san.) s'engaschan per per il cumbat cunter la planta ambrosia.